

Nedostatak napretka u procesu uspostave institucija za financijsku kontrolu

OHR i Svedski drzavni ured za financijsku kontrolu, agencija ciji je zadatak uspostavljanje institucija za financijsku kontrolu na drzavnom i entitetskom nivou, veoma su zabrinuti nedostatkom napretka u uspostavljanju ovih institucija i posljedicama koje bi ovaj neuspjeh mogao imati po Bosnu i Hercegovinu.

Krajnje je vrijeme da drzavne i entitetske institucije ispune svoje obaveze prema zakonima o financijskoj kontroli i imenuju financijske kontrolore: generalnog financijskog kontrolora na nivou drzave i na nivou dva entiteta, kao i njihove zamjenike. Svako daljnje odlaganje u ovom procesu ugrozava uspostavu vrhovnih i nezavisnih institucija za financijsku kontrolu.

Nezavisna financijska kontrola unapredjuje transparentnost drzavnog i entitetskih budzeta, javnu odgovornost i uspjesno rukovodjenje, sto su oblasti koje imaju najveću važnost za razvoj trzisne ekonomije i demokracije.

Na sastanku koji je u srijedu, 18. februara, održan u Sarajevu predstavnici medjunarodnih organizacija su razgovarali o nedostatku napretka u procesu imenovanja financijskih kontrolora i mogucim posljedicama koje bi ovaj neuspjeh imao po Bosnu i Hercegovinu. Svedski drzavni ured za financijsku kontrolu je bio inicijator ovog sastanka, a zajednicki su ga organizirali predstavnici Svjetske banke i Svedske medjunarodne organizacije za saradnju (SIDA). Na sastanku su takodje prisustvovali predstavnici OHR-a i medjunarodni konsultanti za oblast menadzmenta.

Franz Bruner, sef Jedinice za borbu protiv korupcije koja djeluje pri OHR-u, je naglasio važnost koju institucije za

financijsku kontrolu imaju u okviru sveobuhvatne strategije za borbu protiv korupcije u Bosni i Hercegovini. Predstavnik Svjetske banke, gospodja Sebnem Akkaya, je istakla da su imenovanja financijskih kontrolora uslov za drugu ratu kredita PFSAC II Svjetske banke. Konacna imenovanja su takodje preduslov za dugorocno pružanje institucionalne podrške, od strane organizacija SIDA i Svedskog drzavnog ureda za financijsku kontrolu, institucijama za financijsku kontrolu u Bosni i Hercegovini.

OHR apelira na nadlezne organe vlasti da odmah imenuju kompetentne profesionalce na funkcije generalnih financijskih kontrolora i njihovih zamjenika.